



江湖長翁文集目錄

宋高郵陳造唐卿撰

明仁和李之藻振之校

十三卷

七言律詩

次王仲衡尚書

次韻石湖居士晴窗遣興

次韻石湖居士遊虎丘 寄王仲衡尚書

贈陳簽判 京口呈張閣學一首

江湖長翁文集目錄卷之十三

江浦長翁文集目錄卷之十三
題程倅小築

皇孫壽詩二首

酬賈學錄送炭

次陳夢錫韻二首

次韻朱解元雪

次韻陳夢錫

約二同年遊虎丘

寄王尚書

次韻嚴上舍

次韻朱通判嚴上舍八首

試院贈三同官

歸有日喜作

次韻袁提刑勞軍許浦中路風雨

次韻常熟感舊

次韻犒士

次韻回途打冰

別趙文卿

次韻袁丈知府喜雨

次韻袁憲雪二首

贈趙步帥

壯觀亭爲真州作

次韻吳江陳學長送行二首

次韻張丞試士

次韻答張丞

次韻張丞四首

次韻周秀才

正覺寺

次韻張丞

次韻任解元喜雨二首

次韻陳秀才二首

九日

次韻張丞四首

十六夜丞有詩次韻三首

次韻王簽判

次韻自考

次韻戰艦

次韻招飯不赴

卽事

淨居勞農贈二僧

題林監稅漁鄉小樓

九日登樓

鑑湖道中

言懷二首

贈陳居士

次諸公西字韻共九首

十四卷

七言律詩

次韻嚴文炳兼簡張守六首

再次韻張德恭二首

文炳近歲節感愴作詩寬之二首

再次韻呈張守

再次韻贈德恭四首

都梁塗中

謝鄒祕正惠淮白呂判院送酒

寄章茂深郎中二首

自適三首

正月十四日雪

送七子赴省

次韻胡元善

張守招飲

次韻張守勸農二首

次韻王勉夫晚春

次韻張守遊趙園

次韻張守王勉夫二首

再次韻送張守四首

次韻常倅俞君任二首

又悼石湖老人

再次韻酬俞君任

再次韻呈楊侍郎

楊侍郎召飯再用韻

郝澤民主簿贈詩次韻四首

登平山堂

郢州二首

春日客中二首

石城

次韻程師遊習池三首

春雨贈陳主管

陳主管招飲

山行寄程帥

次日再次韻三首

穀城道中

再次習池詩韻寄程帥二首

次韻寄王帥屬

次韻寄陳主管

諸公邀留不及赴前次韻寄謝

次韻謝程帥復遊習池見寄二首

復次韻寄程帥二首

留交代韋倅

觀山刑鵝夜歸

禱雨鳳凰山二首

病起二首

寄高郵僧

苦雨

客次小憇

騎過山村

杜毋

次韻程帥八首

卷之十四目錄終

江湖長翁文集目錄

宋高郵陳造唐卿撰

明海鹽王廷俊君英校

十五卷

七言律詩

送詩陳惠伯

襄陽賦秋日江梅菊花

次韻程帥二首

次韻言懷

次韻寄別程帥穀城旅夢

梁教病起

上外朝山

過八疊山

馬息山

寄鄉中親友二首

賀程帥因任四首且言久缺詩筒之意

再次韻答程帥高幾宜四首

正仲和帥屬被盜二首 贈高司理

再用前韻贈高司理共八首

病起閑步

寄師文二首

次韻什邡馬主簿六首

偕章宰勸農房山二首

簡章宰二首

上巳溪上燕二首

試柘枝溪上

次韻答許推章宰二首

再次韻答節推八首

梁教授次柘枝詩韻再和

書懷

次韻高幾宜送別四首

贈黃國器二首

過伏龍

武昌

歸歟老秋

宿何人家

次韻張司戶

凌晨復有惠悉筆次韻

贈四子二首

次韻雪詩二首

次贈左司韻俞德瑞

次韻答德瑞

再次韻贈俞德瑞二首

送張文昌帥豫章三首

行都夜歸

次韻同年諸公環碧叙同年會三首

約徐南卿出遊

西林訪銛師

約呂徐二友遊淨慈四首

還王編脩詩卷

元日訪了端叔安撫二首

次韻王編脩二首

十六卷

七言律詩

次韻楊宰食蓮戲作二首

次兒輩戲商卿設醴韻五首

九日登神居留題

傅商卿借鵝次韻

次韻謝陳守伯固

贈傅商卿

又宿商卿家

述懷有作

贈實老

收韻答龔澤卿

晚飯商卿家

次韻答楊宰

次韻楊宰宿北阿

次韻楊宰

又次韻楊宰 次韻楊宰遊神居

次韻楊宰二首 次韻楊宰野步

再韻楊宰遊土山韻 次韻楊守塗中生口

次韻張守妻閔忌 次韻張守晚起

正月十六夜大雪次張守諸公韻二首

次韻王簽判二首 贈吳子隆

次韻張德恭主簿二首 次韻張守勸農二首

次韻張守泛春亭 遊乾明分韻得山字

寄直州詩社諸友 直州諸公語別

次韻趙夷仲三首 送臧汝舟楚州秋試

重九山陽儀真兩史君送酒

次枝子花韻 次喜雨韻

次韻李壽卿明府憶梅二首

次崔帥回字韻共七首 次韻陳學正

次韻趙帥賞古梅 次韻劉常甫見贈二首

次韻張守勸耕二首 題彭傳師無喧境壁

次韻高賓王見投十首 次韻方秘正二首

次韻答高賓王二首 次韻林子長

次韻楊帥畱客賞雪四首

次韻趙帥四首

用贈朴翁舊韻二詩送徐南卿南歸二首

次韻趙帥登平山堂二首

次韻鄭同年餞行

挽章二首

太碩人臧氏挽章二首

卷之十六目錄終

江湖長翁文集卷之十三

七言律詩

次王仲衡尚書韻

着脚功名馬絡頭人生君所幾居州惟公德操朱絃直
映世冰壺白月秋久已短長冥尺寸可須骯髒羨伊優
卽今千里謳謠地贏得揮斤五鳳樓

次韻石湖居士晴窗遣興

閩門車馬隱晴雷我亦臨風詠快哉平碧際空煙羃歷
薦紅照影水縈回園翁門巷初沾絮遊子杯盤欲薦梅

落晚小家還饌客旋筭春甍取新醅

次韻石湖居士遊虎丘

山靈知我欲巾車岫幌雲扃已
板除竹葆松幢平几席
碧煙紅影認林廬飯分禪供清
無敵飲屬詩流興有餘
莫話長安牢落客付渠塵土曳
長裾

寄王仲衡尚書

世態翻雲覆雨間令人合眼夢
還山生平名義非肝鬲
歲晚師門要面顏鷗鷺波寬雖
有約鳳凰城近可容閑
畱年看試調元手未擬安仁賦
拙艱

贈陳簽判

訪陳方
關門飲

熠熠螢光畧露荷搖搖盃面漲
金波受風正作團樂飲
閉戶深防櫛櫛過情話想無雲
母隔新篇應有雪兒歌
揆予可諱劉郎笑講舌長乾鬢
自皤

京口呈張閣學

歸懷未用話南園臥治于今又
北門但息兒啼寬上意
小稽霆擊取中原虎頭銳視非
無種獅子當觴且勿喧
更恐譚公家世事斷無宣勸定
驚魂

時迂北
客故云

色辭它日尉淒涼別去吳山楚
水長蟻國槐安消幾夢

江浦長翁文集卷之十三
鶴歸華表恐千霜安排久
屢冷官飲軟語重登君子堂
所惜將迎無暇日妨人詩律悟濠梁

題成倅小築

主人領客竟成遲閑殺林園此段奇
勝日阿蓮須後乘
卽今佳菊尚東籬肯來雪壁題詩處
許繼華堂墮幘時
醉後與渠同起舞一庭花影月迷離

皇孫壽詩二首

寶祚煌煌羨帝祺天潢餘潤到孫枝
壽星良月占重見
振古熙朝此一時椽筆紀祥方
草頌龍樓開笑正含飴

蘿圖况與乾坤永長款三宮奉玉卮

曾造蓬萊挹德風日親儒保罄寅恭學窮奧闡包賢聖
人仰英明肖祖宗綵服近天仍樂孺帝觴拜賜更從容
應劉壽語年年事九萬香牋未闕供

酬賈學錄韻并送炭

何人戴目倚錢神更問吾徒拂甌塵
醉纈不供詩客眼
弊裘應笑廣文貧坐看十日澗爲雨
遙想千家桂作薪
貸子曲身當得句地爐分施臘前春

次陳夢錫韻二首

薄雪晶熒壓屋茅未須桂玉計晨庖已便鹽絮明愁眼
更喜烏鴛得夜巢小聽騷人賦梁苑旋看春意滿東郊
忍寒便擬尋梅去夢想瑤英點舊梢
思君采艾歎如年眼底羈愁只自煎破夢有來驚剝啄
衝泥徑欲跨連錢新篇端復千年計舊集猶須百手傳
早晚聚頭三日語塵邊閑聽有源泉

次韻朱解元雪

掉頭取別未經旬已積胷中幾斛塵密雪忽明銀海夜
端憂空負玉花春筆驅和氣君何健囊致新詩我未貧

勝日兔園當有賦可能客右欠斯人

次韻陳夢錫

手板黃緣替荷鋤從渠爭挾子公書三年已辦青箱蠹
一飽纔分代舍魚煙燼箕爐朝兀兀窻明風霰夜疎疎
獨思把酒看君醉墨汁淋漓浪點翠裾

約二同年游虎丘

兼旬閉戶耐寒威起視晴空碧四圍黃鳥啼邊忽游子
白龍去後漸單衣年時尚記尋芳約老境仍憐得醉希
紅影幽香虎丘路杖藜攜酒莫相違

次韻陳倅趙宰雙竹

兩君深結此君緣，句裏蕭參墮我前。
筍茁便應欺瑞麥，詩成端合付雙蓮。
窻間儷影斜新月，風處駢梢裊綠煙。
會擬韓公頌連理，爲渠小輟枕書眠。

寄王尚書

一昨家庭拜帝綸，熊轡催去不逡巡。
小遲繡袞昇元輔，復向蓬萊作主人。
竹馬未迎歡意淡，蒲鞭重試教條新。
詩賡樂職諸生事，筆力誰今幹萬鈞。

次韻嚴上舍

待月尚思前度月，中天圓璧不留分。
卽今霜氣挾靈籟，如許金波乘壞雲。
念我吳牛終喘夜，憶君冀馬忽空群。

文炳時已就宅館

睡魂作魔病作祟，猶賴清詩來解紛。

次韻朱通判嚴上舍

蜀莊漂泊闔閭城，獨向陶朱意氣傾。
詩寫閑情易爲好，雨鏖炎暑欲爭清。
居同蟻穴晴猶閉，歸笑鳩巢老未營。
久擬投君渠保社，援毫空復可憐生。

君家名酒壓吳城，肯向時流取次傾。
翳玉誰今窺正色，班荆渠定賞真清。
雙壺問字寧能許，一醉畱賓不辦營。

莫惜驅車餉元亮須防結鞵要王生

再次韻二首

萬手抄詩遍洛城老懷可但向來傾采菱白雪方迭奏
蜚雨曉風相與清價重欲輸和氏璧令嚴誰犯伏波營
卽今貂尾那容續更判工夫費此生
子元才望未專城玉面醪敷且細傾寵辱盡捐身外事
醺醺聊樂聖之清分甘亦復憐吾老飲濕終慙不自營
歸去須君傳此法秫田百畝便平生

再次韻後篇戲朱

淙淙雨執欲沈城袞袞辭源亦對傾關戶渾疑雲氣近
誦詩如在玉壺清射知猿臂須穿札陳怯魚麗且閉營
只把兩君新句法爲歌豐樂詔諸生
似聞新醞敵宜城想對簷花又獨傾別乘工爲海鯨吸
廣文當念露蟬清投醪頻遣春浮頰盜印寧無夜闖營
約束長鬚牢閉戶瓮間防有畢先生

苦雨再次前韻

後詩謝
許送酒

席蚓堂鼃豈趙城崩空急雨未休傾青秧可復成堅皂
碧海渠能受濁清田舍望秋猶萬一官曹需祿更征營

寶熏定有回天力卽看朝曦指顧生
底用詩名到鳳城未妨醉帽笑欹傾日聞螟蠃譏狂率
目送鯤鵬遙紫海譚客有時三不對生涯除酒一無營
鳴鞭走送君能斷小印親封定好生

試院贈三同官

八月十二日

果釘茶甌意未闌獨慙衰鬢映朱顏聚頭長作三更語
屈指惟餘兩日閑食葉蠶聲行入聽揆珠驪領不應慳
預憐朱墨秋宵未咫尺燈窗斷往還

歸有日喜作

夜燈晨飯棘圍重檻束飛猱鶴在籠敢效騷人悲迫阨
祇防舉子誚冬烘搏風定有莊鵬化得雋從知冀馬空
明日還家壓新酒菊登金藥拒霜紅

次韻袁提刑勞軍許浦中路風雨

方隅咫尺儼威顏窮谷回春不作難渥澤欲隨金節到
先聲已失鐵衣寒來時敢憚風將雨泊處仍聽浪卷灘
天白與公供壯觀海涵雲物正闌干

次韻常執感舊

詩囊隨處紀山川古縣繁雄更海邊按節將春巡甲壘

江油縣志卷之十三
三百十
循陔回首記丁年綵衣尚念親三釜芝檢終當歲九遷
移孝爲忠賢聖事期公迄反汝陽田

次韻犒士

萬竈連連儼舊屯朝來喜氣襲人溫固知除器須平日
政復投醪亦至恩帝綽函春周壘壁使星回耀照和門
文經武緯君王聖汗簡須公紀治原

次韻回塗打冰欲遵陸

轉頭風日破堅冰未用穿危冒滑行瀚海無波聊整棹
陽春有脚莫論程詩情動處髭頰撚使事閒時酒細傾

馮問逢迎黃髮叟里閭驩意爲誰生

別趙文卿明府

人品推君第一流論文向我肯綢繆日從紅粉追譚笑
家置青編紀唱酬轉首各乘鳧背去幾時同作鳳城游
臨風莫道書難寄旅鴈飛還是便郵

次韻袁文知府喜雨

使君今代段荊州指顧爲霖旱不憂比屋便令開笑口
散人亦復掉吟頭封君擅富寧容數義廩賙貧可待求
想閱賀章天更喜津津玉色動凝旒

次韻袁憲雪二首

犯雪回帆歲遽殘
自憐雨灑更風慳
從遊已落鄒枝後
著語渠能季孟間
夢逐蜚僊凌色界
誰因逋客護雲關
獨思快目毗陵曉
玉襯金波妥錫山
塗中壯觀如此
天憐梅藥怯摧殘
善後何妨小作慳
一雪應期真望外
三詩說喜想顏間
瑤花已兆食四鬴
沉炷為通天九關
捲帳盍疇民氣樂
蘇臺持酒挹湖山

贈趙步帥

出處陞沉轉首非無端
顛倒念分違瘦羊博士尚骨立

白馬將軍今肉飛
共仰鈞陳明帝極
少須尺筆下金微
為公草罷不羗檄
徑指淮鄉舊釣磯

壯觀亭為真州作

頻年入夢此躋攀
驟覺平時氣象還
吳客到應忘月觀
淮鄉勝不數平山
飛檐曲檻霄霏處
疊嶂橫江几席間
見說能詩好賓主
風雷落筆每乘閑

次韻吳江陳學長送行二首

詩人六十合恩袍
平日周庠重譽髦
舊學堪重漢儒席
新文欲僕楚人騷
等觀得喪心無累
飽閱豪英眼更高

江表長安文集卷之十三
九
閻道青箱富嘉頌詔音早晚召王褒

白首詩書未充宗還紆墨綬揖王公玉堂金馬拌身外
法護僧彌且眼中自詭嗟枯鱗雅志肯從東濕就奇功
垂虹高士知心客定信襟期出處同

次韻張丞月試士人

居有齋庖教有官諸生肯復計安閑充庭數貢知非遠
造物於人本不慳思苦得無金注拙眼明終眩錦花斑
自憐憤秉雌黃筆案牘如今柱屋山

次韻答張丞

顧省辭華分槁乾簿書堆裏作麤官客懷止飲仍多病
海氣乘秋蚤戒寒好語相濡真禁鬱不才持答欠琅玕
從今惡况能排遣日課君詩一再觀

次韻張丞二首

夫君腹笥盡奇謀每叩談鋒聽不休誦賦久嗟無此作
薦賢端合拔其尤小遲榮路觀掀趨聊爲同寮蓋謬悠
政恐諸公有推挽平時果藝仰由求

槁梧閑據自沈吟投老真成負此心酒沃渴鯨悲事往
官隨跛鼈笑吾今進爲終愧周人朴歸去曾無陸子金

尚賴君詩尉牢落時清聾聵發純音

再次韻二首

銅墨才爲一飽謀還因跋窳賦休休南州習俗難馴擾
北客迂疎易悔尤世味辰星今落落歸心風旆正悠悠
知非况自五十九爲問衰翁底更求

自揖高人擁鼻吟湖濱詩酒便論心天教聯綬同民社
日許挑燈訂古今刺眼未妨翻著屨躍爐寧問不祥金
簡編自有千年計遲子追還正始音

次韻周秀才

暇日枝筇對搖落衰年悲感爲誰多政疎里俗有囁呓
身遠貴游無孰何耐病阻陪吹帽醉祛愁聊復擊鐃歌
詩來起我湖海興夢逐狎鷗分白波

正覺寺

細穿詰曲上高寒一鷺青冥杳靄間欄楯欹浮滄海影
東南重見紫金山方壺入眼鯨堪跨璧月依人桂易攀
聞說老禪佳寢飯一生無夢落塵寰

次韻張丞

邦人邑吏總堪憐茶供爐熏共顛天占雨幾孤霞粲曉

江湖長翁文集卷之十三
望霓何啻日爲年翻黃已孰村村麥平淥行看處處田
擬倩龍公作霖手更煩終惠息頭燃諺云朝霞不出門
近頻有此亦復不
驗故云

次韻任解元喜雨二首

寄語今年主雨神當知小雨未康屯人心正切霽霓望
農事深愁晚晚春朽壤舊嘗封蟻穴停雲空復疊魚鱗
鰕生宿蘊天人學無計王前拜手陳俗謂魚鱗
天必雨
跪奉爐香幸見憐人言匹庶可回天及今一覩盆傾執
滿意重占斗覆年僅息黃塵昏永晝幾時翠羽冒中田

此心安得頑如石水旱豐凶付偶然

次韻陳秀才二首

其父在獄有詩哀鳴
爲擬其禁作此答之

吏治因循俗已疵可無柱後濟寬慈顧慙德化一何取
敢意古人三不欺剔蠹方圖洗熏染放麈端復甚衰遲
成君今段萊衣笑莫更風前賦百罹

七字開緘粲陸離元非劍氣燭園扉夜光信出老蚌殼
錦段遽分鄰女機庭賦繼今行北闕市娼過眼忽南威
蜚騰可但榮親計我亦它年得儁歸

元日

二月庚子集卷之十三
元日
三十三

爆竹聲中雜笑呼
斗杓插海寺鍾初
椒觴帶夢隨小飲
桃板得詩仍自書
愒日晚塗知內訟
占風吉卜定非虛
新年舊管新收累
大府隆寬儻貸予

次韻張丞是日忽晴

縣人燈夕舊嘗看
夜敞窻扉曉不關
勝賞繼應追俗尚
晴暉巧與破天慳
招邀便擬日復日
容易遽吟山上山
更乞紫姑豐樂語
為添喜色到顏間
張計為越行

再次韻

長日官曹迄未閑
佳辰一笑頗相關
萬情同樂那容失

四者來并每坐慳
歌酒恐孤燈市月
煙霏猶暝海門山
龍公可復會事發
汎掃陰霾彈指間

再次韻未燈夕張丞送詩再往返矣十四日丞飲借三妓遣往

好時好節工惱客
投老祇思深閉關
鶴膝痛醫終是病
蛾眉公奪豈容慳
浩歌已減落梅曲
苦思更妨頽醉出
冷語陋姝何所似
貧家矮屋劣成間

十四夜丞和章來復次韻是夕陰無月

衰年寢食僧齋似
甚欲持盃解八關
桂魄元非月娥斬
菲菹終笑庾郎慳
不成小醉穿燈市
又作相逢嘲飯山

江湖長卷之三
思澁徒貽山婦恠羨渠飛雉落黃間

十六夜張丞有詩次韻

燈夕勝遊皆遯意可無歌酒答豐年雲藏王斧重脩月
樂奏壺僊小隱天鴈陣低空危欲墮龍公驅雨未成眠
惟應鐵鎖銀花句落紙明朝萬口傳

張丞再有詩次韻

仰高排纂玩清圓學力卑摧舊判年後進或夸金擲地
前脩猶是斗橫天晚規省語安衰病暇復分題攪醉眠
祇有君詩追古作未忘緗素遺兒傳

再次張丞韻

十六日作假風狂雨
橫無聊就枕復作

龍職陰晴肯轉圓寒侵春事倍常年彌旬稔聽盆翻雨
一室何殊甕裏天多病可堪嚴酒戒高春未憇枕書眠
忘憂蠲忿疑無策小草論功亦浪傳

次韻王簽判

奧學聞君不近名聲華猶是歷時英詩篇向我肯揮掃
句法驚人渾老成未厭泛蓮依衛幕只今薦鶚達周京
明朝置酒當投轄萬斛洪源看倒傾

次韻自序

江湖長翁文集卷之十三
十四
丁年拾芥視功名可但紉蘭茹落英深愧官曹無所補
向來志願幾餘成分營伏臘耕淮壤久絕音郵到帝京
尚有好賢餘習在老懷端合向君傾

次韻戰艦

下瀨千艘舊擅名漢家虓將况飛英呼韓款渭人胥後
小耿平齊事竟成擊楫定無違廟筭覆孟端有奠神京
聖君動靜天人合持滿何妨亦定傾

次韻招飯不赴

更能儒業實慙名晚喜論交蓋代英千里久勞魂夢往
一歡猶阻咄嗟成粲花論勝違頻聽擊鉢詩工况莫京
別後標溪縈望眼此心川水漫東傾

卽事

江漾晨光入縣門樓斜晚影到漁村海聲不爲無風靜
山色居常帶霧昏問俗卽今防愒日來時撫事錯銷魂
浮生寄寓君恩重未覺天涯異故園

勞農淨居贈皎啓二僧

勞農今喜復南轅夾道扶攜亦笑誼縣尹庶幾無疾病
山人迎送耐頻煩毛葱湯餠聊堪飽出瓮春醪半帶渾

惟有爲民真實意異時陳迹付公言

題林監稅漁鄉小樓

半是蜚軒半是樓主人雅趣寄滄洲晨霞莫靄紛濃淡
越舶番檣闌去甯徙倚想君舒醉眼從容須我掉吟頭
病來止酒便高臥幾夢煙波沒白鷗

九日登樓

海上重陽率多風
雨邑寄罷飲作

縣曹逢節猶忙迫陰雨乘秋每接連九日歡娛異前日
幾年晴霽有今年湖山入座褰珠箔萸菊按香薦玉船
帽委西風判一醉故人應未笑華顛

鑑湖道中

風煙佳處放歸橈吟坐逢窻首屢搔萬壑千巖爭獻狀
三江九堰自忘勞尚多菡萏張秋錦少待蟾蜍印夜濤
繚碧森青誰子宅未容載酒訪清高

言懷二首

此身與世分相違可是平生不見幾知己方占白鷄夢
寸心已傍碧山飛周旋觴詠須三益斟酌行藏欠一歸
甓社湖西隱君子爲翁應掃釣魚磯

自是三生賀季真亟應收拾水雲身蜚鳧吏隱聊同俗

飯糲生涯且耐貧林壑風煙當未惹利名韁鎖聽橫陳
世間靜者猶張邴老境婆娑定笑人

贈陳居士

居士不娶居林氏樓與一神童處教而成

昏宦冥冥墮急流羨君高謝此籠囚能詩似是林和靖
博古寧慙許散愁上藥化金纜傾刻虛舟觸物信沉浮
何時我亦休官去對臥元龍百尺樓

一 次諸公韻

歸高郵張守即日招飲次韻謝之

回首舟餐野店樓何殊子美詠青泥竭來賢將先回眄
徑上詩壇許命題舉白爛陪山簡醉凝香到有武陵迷

異時過計今方悔曾慮談間彼子西

對雪小吟次前韻

時史君留嚴文炳借師文飲

翻鴉啁鵲暝爭棲舞絮郊原雪水泥已綴瓏璵分檜栢
併揚光彩賁襍題撚鬚句好無前勇索酒人歸有後迷
客子鬢毛今愧此忍寒挾策市橋西

再次韻謝張守得新居

得巢歸翼愜卑棲尚卷風茅落凍泥病樹綠階旋培殖
舊書堆案細籤題地非新野聊龍臥人似東屯賸客迷
身世只今供冷笑百川東注月行西

再次韻呈張守

烏衣雛燕正依棲又見南風遞赤泥宣室殊恩子夜對
天章清問御書題可無上藥蠲民瘼有待司南覺世迷
好在論功繼臯益毋庸問管瀆曾西

再次韻

朋舊攜持過陋棲炊香淪雪鱸拖泥酒澆礪魄聊虞老
詩慙酸寒最切題種秫集功今有約對棋銷日不嫌迷
千奴別去平安否時欲拏舟覽社西

聞盱眙北使信感事再次韻

猱犬妖狐合故棲函關底限一丸泥幄中已辦吞青海
甲外寧惟馘白題犁老上庭煩指顧答中行背問顛迷
提封舊物渠須計一候鞮汗更向西

雪晴再次韻

璇穹瑩澈晴風後曉日初融陌路泥老檜蒼筠潛動色
迎春送臘好分題藏春僧閣心曾戀闖海山亭夢到迷
回首系陰三宿舊鄴城東去虎存西

對客再次韻

客來一笑同鄉味便粉秋菰刷藕泥糟浥子薑仍舊法

江湖長翁文集卷之十三
籠絨乾筍儼新題白魚紫鱗空濡沫窘兔驚麋想碣迷
白揣臞儒合蔬糲放麇終恐愧巴西

述懷再次韻

高車駟馬笑鷄棲亦笑鋪糟與汨泥魯酒得間聊復飲
晉輿投老偶然題春冰自水收新悟雨矢無鄉悔舊迷
尚有平生山水癖未妨遊戲向京西

江湖長翁文集卷之十三終

江湖長翁文集卷之十四

七言律詩

次韻嚴文炳兼簡張守二首

嬉遊有願自今償回首春容已浩浩霽景偏遲張錦地
小園秀出臥雲莊梅林破玉香沾袂池水搖漪淥泛堂
茶具筆床陪語笑未妨日飲慰還鄉

梅梅柳柳護深行倦客重遊眼更明谷鳥自應尋舊約
渚蘭潛欲換新萌詩工已可醒人醉賦就當須水坐清
老我客渠真得計夢魂無復鳳凰城

文炳許作賦

再次韻二首

宋朴隋珠不當償平時佳思墮茫茫老規種秫師陶令
備有前茅愧楚莊蜂鶴攪腸空軋軋鶴鵝嚴陣怯堂堂
卽今全勝輸公等自占床敷霸睡鄉

欲轡青驄試小行擁衾待得曉窻明端知霽日渾無價
可信啼鳩識未萌勝處風煙堪一醉是家池館擅雙清
不憂兒輩妨人樂倚賴詩豪五字城

再次韻二首

郡政只今多暇日名園欲到指蒼茫能詩有客憐侯喜

好士惟公繼鄭莊促膝未妨澗似酒轉頭當復玉爲堂
聯金綴玉真吾事騰刻堅珉表士鄉

近墅何妨一再行後車應著老彌明詩成直壓搶榆上
譚勝寧容鄙吝萌鷗鷺一灘窺語笑松筠千挺峙寒清
從今好繪斜川集莫靳流傳到帝城

再次韻張德恭二首

公家父子書林傑力探希微析混茫膝上風流識文度
儵遊領解契蒙莊六花陣勢容摩壘五鳳規模見肯堂
自歎吾兒豚犬爾祇宜耕牧守窮鄉

平日疎愚但意行每從師友仰高明如君况是庭蘭秀
向我防譏凍芋萌栢悅懸知待松茂涓流終不涸涇清
新詩應敵纔餘事紙價于今貴列城

文炳近歲節感愴作詩寬之

嚴侯才氣舊無朋晚作江淮肉食僧飽對風煙吐膏馥
時因節物動銷凝君今宛是林和靖我亦何如杜伯升
濁酒寒菹共一笑未妨同剔課詩燈

再次韻復文炳

君猶芹泮老賓朋我似房公再世僧煙徑幽尋春澹沲
月窻冷語夜澄凝人情感舊多爲祟酒盞澆愁更計升
笑命棋枰同永夜旋添箕火上篝燈

再次韻呈張守

史君劉白信其朋笑我頑然粥飯僧打睡正便簷日暖
味詩還喜蔗漿凝破陰風軟梅猶小弄影雲疎月漸升
一自藏鈎得新句莫停吟筆到燒燈

再次韻贈張德恭

老尋詩法得良朋轉處驪珠悟後僧帝所宮商中夜奏
仙盤沆瀣未秋凝樂天不幸逢元稹季友而來有彥升

江表長翁文集卷之十四
交手當家親父子爲君別本記傳燈

再次韻二首

辭鋒森列看分朋退作窮山苦行僧每讀嚴詩驚我倒
亦知舜績待公凝絲綸指日從天下閭闔摩霄接武升
更想班衣奉親壽五雲低護九枝燈
闖門不乏遠方朋辟席渾如問話僧筆底煙雲無盡藏
譚間霜霰不寒凝身行建德歡謠裏人在春臺瑞日升
老子生涯漫些省擁書猶傍短檠燈

再次韻

同門誰定肯論朋拙似茗鳩嬾似僧病減不辭詩語拙
歸來少貸客愁凝老欺鬢髮絲千丈糴仰官倉日五升
臺閣中天清夢斷分眠山店問漁燈

都梁塗中

西來行路未妨長敢指淮山作異鄉隨處饋漿驚禦寇
有人醜藥話韓康柳方弄色新經雨雲似多情巧護霜
風俗淳龐節物好一樽時與倒詩囊

謝鄒祕正惠淮白呂判院送酒

簷鵲聲前拆鴈書雙材有底到蝸廬潔樽幾夢沾膏露

下筓于今薦腹腴仙府流霞端伯仲徐州秃尾但臺輿
寒人醉飽何緣靜徑攪詩腸撚白鬚

寄章茂深郎中二首

州麾郎省未華顛解組歸來作地仙杖屨良多閑日月
亭臺仍占好林泉青奴白牯冰壺裏墮絮漂花醉眼前
政用著書傳我輩未須緘口縛枯禪

章酷好佛

立譚當日受知深不待陳情道古今高會幾陪山簡醉
長篇許爲愛卿吟歲華遷謝心雖在世路崎嶇老不禁
擬近卞山謀卜築借公泉水濯塵襟

嘗約訪卞山久未果

自適三首

自憐老瘦仍癡絕每強衰顏趁後生療癖無方了詩課
迷魂有寨對棋枰繞牀不著阿堵物玩世何須身後名
倚賴兒曹解人意典衣長得解餘醒

渺漭湖天人短蓬心期祇許白漚同人言火食闔蓬客
自命官身田舍翁酒可銷閑時得醉詩憑寫意不求工
更那長日溫書眼一送蜚鴻下遠空

雲水爲家百累無意行從昔畧方隅飲忘醒醉狂常爾
夢到無何午未蘇遺俗可辭翻鞵錯付渠陰作負舟趨

饒饒禮法工相聒閉戶仍防大小儒

正月十四日雪

鄉園燈市頗豪奢客子扁舟恰到家月姊曾雲藏寶鑿
雪神千手撲天葩未容火樹陪宵燕謾說江梅擅歲華
苦憶醉穿羅綺陣小軒吟度赤城霞

送七子赴省

旋轉璣衡運化樞嗣皇襲六待耆儒斗南譽望俱難匹
鄴下才華舊不孤郡賦今推作者金王庭可但諍臣趨
竹林昔隱休回首四輔三公此首塗

次韻胡元善

柳閒鶯友羽衣輕花外溪流鏡面平勝處過君時得醉
今春屬我老歸耕吏塵祇可黃梁夢棋社聊尋白鷺盟
猶計浮名孤樂事風煙滿眼得無情

張守招飲

是日王勉夫到明日嚴文炳之吳中

春風吹作萬家春誰得聯鑣從使君微徑問花同載酒
深堂剪燭細論文王郎把臂簪仍盍巖老呼舟首又分
安得雲龍隨上下佳辰不復歎離羣

次韻張守勸農

是日雷

東郊春好近清明小隊相羊爲省耕扶路人歸皆喜色
應時雷殷亦和聲不妨密雨催花放有底屯雲妬月盈
遙想一尊同客夜燭花未剪已詩成

再次韻

眼向囊書老不明合遵寬教事農耕雨餘驟變菖條綠
曉起欣聆布穀聲譚笑俾民無死徙豐凶轉手有虛盈
衰翁倍荷殷勤意緘致無非翠織成

次韻王勉夫晚春

送春無酒未須嗟却有新茶試大家便愜輕涼生小扇

獨憐撲蔌下鶯花霜膚解籜初嘗筍怒癭因誰擬問蛙
嘉樹著行森羽葆翠青疎密儼排衙

次韻張守遊趙園

躬挽慈輿訪小園徑麩和氣滿壺天微風會意祛輕暑
紅藥多情駐晚妍欵唾生春見能事平反供笑掩前賢
奉親得句無窮樂不學狂生臥酒船

次韻張守王勉夫二首

兩雋詩聲敢重輕蒼山對峙大川傾形爲幼眇無遺恨
有人題評莫遁情未許曹劉夸獨步不應邾莒合逃盟

清篇讀罷重看鏡似覺青絲鬢脚生

世味平時虫臂輕獨畱意氣與君傾向來繾綣資磨玷

擬話分攜已愴情盛際功名方策足他年車笠肯渝盟

漢廷取重張廷尉可待區區結驥生

再次韻送張守

日送歸帆風翮輕贈詩還笑字欹傾如公風義仍知己

計我隆污合用情想覲龍顏新得意未忘牛耳舊同盟

周旋尚可諸公後肯放江湖了此生

再次韻三首

未解州符累已輕辭源滿意酒邊傾頡頏前輩真無愧

袞拂迂儒每過情老境更堪聽別語書郵當復固齊盟

吳山正合供酬唱安得風前兩翼生

唾壺聲裏晚涼輕風自舒徐月自傾詩好要從知者道

格高今識古人情三熏誰定分膏馥十襲吾方守詛盟

預恐幽居念離索時須開卷尉愁生

性資涼踞繫時輕青眼惟公底裏傾砥柱頽波儲碩望

陽春窮谷見高情青冥蜚上應回首陸續詩來可待盟

念我老無當世意擬從樵牧寄餘生

次韻常倅俞君任二首

匆匆同醉記前年客路重逢亦偶然
理窟扣君彌入域生涯憐我欠加鞭
了知富貴難投足共約歸來徑息肩
舊欲將雛卜鄰去未應須辦十牛田

與俞甲寅倉卒三杯卽別南徐再會

約共歸休甚銳

與君顏面各臨年同滯江湖恐不然
虎兇向來甘曠野驂駟寧復待揮鞭
政成合進陵霄步客裏猶擡斲句肩
人品國華君可仰豈應學我賦歸田

又悼石湖老人

老商笑不待三年枵腹人人得
果然商俗均沾傳巖雨
中行羞死繞朝鞭探原已茹丘軻
截落筆聊羞屈宋肩
緬想神遊知有處定驂鸞鶴戲芝田

再次韻酬俞君任

闖首亨衢屬壯年卽今奔駑恐徒然
時情合退羊腸步宦路難加馬腹鞭
朱紫浪驚流俗眼風騷要拍古人肩
歸休計辦君當賀兒輩新營種秫田

再次韻呈楊侍郎

左符得請未逾年民譽朝評兩藹然
補袞工夫舊荷橐

承流政績暫蒲鞭周衡可迂須分陝孔室容窺顧及肩
側佇翹材着枚叟看公親反汝陽田

楊侍郎召飯再用韻

昇沉渠敢話齊年妙句推褒輩行然高燕况叨瓊作醴
凡駘底稱玉爲鞭歌終畫扇猶遮面舞困欵花半壓肩
此去雋遊縈客夢夢陪笙鶴下瓊田

郝澤民主簿贈詩次韻二首

大君糠粃視錢神詩逼黃初論借秦義槩咸推天下士
簿曹聊見宰官身茶香延客自不飽書幣踵門誰可人

從古功名多晚節相逢雙鬢未妨新

薄宦年來尚轉蓬忍將榮悴問虛中共憐杜老諳爲客
不訝元忠厭作公勝日笑譚方袞袞殘冬光景苦匆匆
棋枰得雋詩反水誰信吾徒舊諱窮

再次前韻二首

解纜征塗一愴神房陵十舍望西秦苦無勳業禪暉代
久分江湖著老身三楚上遊常定伯六朝陳迹渺愁人
不緣俛仰悲涼甚可博臨風得句新

起柁揚帆趁便風狎鷗驚鴈水煙中裏香薦藪聊隨俗

計日聽鷄等自公詩句滌愁收一一酒杯澆別悔匆匆
與君二紀陳雷契猶遣時人笑兩窮

登平山堂

平山堂上命琴樽前輩風流肯見分戀客嬾斜當檻日
藏山不斷隔江雲吟牋得意窺天巧醉面禁涼減纈紋
杖策歸來新月上落梅如雪點風鬟

郢州二首

古郢繁華得少畱披雲更喜識賢侯徑容拱挹侍譚笑
惟底咄嗟成獻酬羅綺香中偷醉眼蕙蘭叢裏掉吟頭

何如白玉堂中客試問樽前小莫愁

滿尉人間渴雨心未收雲靄定爲霖憐渠沾水論涓滴
况我行舟苦滯滯已漲麥田千里碧更添沙料一篙深
小榘會指晴山去布穀提壺各好音

春日客中二首

平時謾說醉爲鄉對景今如石作腸老去猶興客中歎
春來剛制酒邊狂露桃煙柳爲誰好蜂蜜燕泥徒自忙
紅紫打圍歌笑地暮年多感怕思量

芳時已歎鬢毛斑何況棲棲客路間杯酒故人千里隔

錦囊著語一春閑燕鷺飛處頻回首桃李香前合厚顏
昨夜東風貸庭竹少容歸夢到家山

石城

山巖水繚石爲城千古餘風尚典刑競詫君王啓藍縷
不無艇子載娉婷流連猶問圭堪秘兆朕虛傳蜜作萍
更惜讒鋒發蘭尚祇今日月炳騷經

次韻程帥遊習池三首

牙纛猶容後乘追枕書不出此何時香飄玳席千花塢
影倒粧光百子池詩句肯藏捫虱手仙曹容著牧羊兒

回思行李冒塵土更喜百憂偷一嬉

后山百憂
間一嬉

清明勝賞尚容追不減觴浮曲水時坐覺晴雲戀歌扇
看供吟筆瀉天池春光有底遽如許酒量勉添些子兒
可但大堤民氣樂啼鶯語燕共嬉嬉

青編勛業笑談追千載生賢瑞聖時竹帛會書河似帶
封疆不止漢爲池玄譚日屬王平子妙語心輕謝客兒
來歲賞花應帝所賡歌宣勸倍歡嬉

春雨贈陳主管

初宵微月尚窺簷雨脚斜斜曉入簾春謝歡悰風處減

江浦長翁文集卷之十四
愁將老色鏡中添頗思甫里陪觴詠不歎周南更滯淹
倚賴宗盟尉牢落得閑詩筆未妨拈

陳主管招飲

時納婦

鵲拳庭竹語頻頻忽有書來寂寞濱盛事許同花燭夜
芳辰仍醉綺羅春璧聯香閣初鳴鳳霞泛仙觴定脯麟
更辦歸裝攜珠玉一時人物各詩人

山行寄程帥

雨餘支徑濕平沙恰稱卑官下澤車雜樹暝煙森立槩
亂峰迎客儼排衙水禽時弄翩儻影野草爭開細碎花

久憶山行此如願不應回首更思家

次日再次韻三首

山行風色怒飛沙山末屯雲湧砲車伏軾不容同蝶夢
問炊猶可趁蜂衙龜魚泛淥熹晴日草樹畱春著晚花
暮憩自憐塵滿面五漿先饋定誰家

微吟緩步愜晴沙聊謝惜惜載婦車時遣貫貂村店酒
回思縛虎長官衙春山好著屏中色吟筆誰添錦上花
不訪習池風月主只今何處問詩家

漚雙鷺隻傍汀沙却匯沙汀過客車清吹解撩叢竹嘯

江浦長翁文集 卷之十四
高山如受衆峰衙寒生碧澗懸魚網潤著蒼崖勝土花
所惜隔墻紅紫滿行行無暇訪山家

穀城道中

何許珠襟繡袂娘額黃曾粉自新粧野芳貪折髻丫重
胡蝶亂隨裊幅香緩唱采菱空答響小畱桃菜翠盈筐
漢風未許休喬木行客相逢莫漫狂

再次習池詩韻寄程帥二首

南園勝絕真堪畫邊上誰爲李伯時山納嫩嵐侵密坐
花駢紅影闌清池吟牋傳遍鴛鴻友舞袖輕於翡翠兒

東府西州皆四輔若爲長伴酒邊嬉
春意垂垂如我老客懷領畧欠當時倏驚鶡鳩鳴清晝
便有蜻蜓點碧池酒榼相過但溪友錦囊餘幾問廬兒
芳辰渠盡人離索苦念從公秉燭嬉

次韻寄王帥屬

才華奔逸可能追我識王郎自壯時酒處每看鯨吸海
書成還想墨爲池窮交徒自憐東野孰看于今敬道兒
莫靳詩筒數還往人生何處不兒嬉

次韻寄陳主管

江清長翁文集卷之四
輶軒七十曉相追記得張園敘拜時香襯蕙蘭來北里
雲隨笙鶴燕仇池朋簪重盍寧人力貧仕居卑聽化兒
祗冀幕蓮分馭蒔詩壇棋社與閑嬉

諸公邀留不及赴次前韻寄謝

一失濃歡悔可追故人應念獨醒時回思翠幕圍香霧
定復長虹起硯池照映鼎來聯璧客風流羞死聚蚊兒
當時枉重千金諾不見芳辰卜夜嬉

次韻謝程帥復遊習池見寄二首

名園壯觀還前日楔事追遊可後時試問繡筵張綠野
何如詩客到昆池綺羅香外鬢偷眼花柳稀間鳥哢兒
定許此民同此樂春城無處不嬉嬉
風流羊杜不勞追况復輕裘緩帶時醉倒莫孤桃李月
詔歸恐便鳳凰池政傳西蜀中和頌筆跨東京大小兒
我亦抄詩支郡去公餘吟玩取虞嬉

復次韻寄程帥二首

節物匆匆可挽追直須樂事趁芳時行春倏喜花園屋
借景何殊月在池南昌當官借景未妨民恰似鑿池取明月對酒不無桃葉
女扣舷却笑木腸兒山家有約須重到定放遊人張水

嬉

人家楔板競攀追
刺史春遊正此時
羯鼓聲中花作錦
壺籌多處酒爲池
絕須絲竹娛安石
賸有篇章付雪兒
聞道續貂容下客
老無佳句坐荒嬉

畱交代韋倅

山城老稚競攀轅
况復官曹辱後先
敢愛一樽追笑語
未妨五日作畱連
天香國色醜顏去
渭北江東把臂前
已辨明朝開煮酒
絲桐小置式微篇

觀山刑鵝夜歸

巢鵲枝蜩已罷鳴
風聲露氣可勝清
人諳淺瀨安然獨
月隔高林未肯明
却亂宿雲尋去路
漸因更鼓辨孤城
誰知歲事關心切
翻憶衝泥傍險行

禱雨鳳凰山二首

跨鳳西來得好山
千年人與鳳俱還
本規法席專斬絕
先遣山靈鑿捍頑
聞道碧泓嚴水印
或請雨于龍龍見
日帝印封水不敢
取試攜清醪闖雲關
此心炯炯龍應識
莫遣歸塗更厚

顏

人心神理未交孚
敢愛微軀走道塗
雲氣滿山空夢永

秧畦夾澗就焦枯罷羸眼看號庚癸感格吾猶愧鼓桴
老去憂民心易折龍公高臥得知無

病起二首

吏民兩兩議公癡簿領空勤笑語稀元亮有詩新止酒
休文多病不勝衣飛塵嬾拂孤三絕止水初澄悟百非
窻度涼颼殘午夢閑聽喜鵲啁斜暉

卽病偷閑却自怡坐憑竹几獨多時銅爐煙畔熏風度
藥臼聲中晝漏遲政自腐腸嚴酒戒不應了事悔兒癡
淨名文惠誰優劣爲問沾沾造化兒

寄高郵僧

門巷蕭然草不鋤小軒祇置兩團蒲惟師表表叢林秀
眷我涼涼山澤臞晨飯每同三韭陋夜碁常辦百籌輸
一書未負西飛翼滿寄清風到座隅

苦雨

連月奔趨禱雨壇卽今積雨厭濛濛蒼天信自有時漏
后土不知何日乾坐想田疇淪沼沚忍聞升合換羅紈
縱陽援溺知無術慙愧身爲撫字官

客次小憩

竹屋深明許息肩田家延客解欣然霜枝高掛蘓虬卵
風砌初搖白玉錢得飽秣疑珠作粒汲深仍詫乳爲泉
譚間更笑狂沮溺政復知津未是賢

騎過山村

煙村面勢枕蒼山一徑循山作屈蟠入望高幢羅翠密
掛空匹練噴清寒吟髭撚白迎風去粧面駢紅倚戶看
頗似騎驢后山老倩誰粉墨洒毫端

杜母

杜母遺芳豈遠求田功誰比此邦優麥隣桑隴疑淮左

近水遙山似秀州樓識景疎知俗美亭因思孟各風流
我來眷眷淳龐處比屋嬉嬉路載謳

次韻程帥二首

帥二子未之識到襄陽二公是日成行因帥有詩次其韻

滿懷披霧尉生平到日音容隔暮城想見舟中畱郭泰
可能酒處欠公榮韋家相業應門戶謝氏才華况弟兄
愧我攜兒在塵滓寸田塊塿望茨京

人間塵不到籌邊詩老乘間思湧泉千佛香名仍世繼
一燈素業自家傳斗城一去嗟多病賓幕重登便半仙

江漢長翁文集卷之十四
要看諸郎各行馬染須膏面計畱年

再次韻

門第應疑甚不庭翩隨府檄下山城江梅作意先秋拆
檻菊多情擅晚榮飲處凝香嚴晝戟客間張丈間殷兄
主賓縹緲蜚埃外信有人間小玉京

從公囊筆看西邊不比分弓出酒泉觴詠每忘秋漏未
平安晏有夕烽傳痼腸頓已蜂腰病妙手親逢鶴背仙
歸將霜鬚詫兒子爲翁試校故新年

再次韻

橫前整整萬全兵自笑空拳借背城更遣齊竿混東郭
坐令鵠卵化南榮黃陳得法仍宗派甫白論情自弟兄
顧我無能鄒賈役放公筆力擅西京

因詩衰病顧徒然鑿井今猶未及泉藥幻霜須端有待
囊緘玉唾愧無傳冥心擬學無言子授訣今猶不老仙
探妙衛生俄兩得信知穠蔘解逢年

再次韻小雪餘言別

是日小酌

舞霓飛霰鬧中庭已辦持盃聽渭城漢水襄山驟漂忽
早梅晚菊自枯榮雪神作意凌風伯客子歸塗待日兄

江湖長翁文集卷之十四
蹠蹠霜蹄從踏鐵穿林
蹠石賦于京
語別詩翁玉塵邊已催歌舞壓香泉
日陪色笑肅何取
橐攜篇章敢浪傳
還舍賸書銀筆字
今朝猶是玉壺仙
后山幸自坡公客
誰遣離懷愴暮年

江湖長翁文集卷之十四終

江湖長翁文集卷之十五

七言律詩

送詩陳惠伯

惠伯求所居三詩
既爲賦作此送似

危樓深室桂爲堂
題品端宜虎豹章
歷數諸公皆大手
尚須此老索枯腸
馳神幾夜層虛上
血指如今妙斲傷
聊復送君供覆瓿
未須傳到鄭公鄉

襄陽賦秋日江梅菊花

秋香冬艷各時宜
叵怪花神令出奇
金菊正含霜曉秀
江梅不待雪寒期
帽欵同伴龍山醉
詩到終嫌驛使遲

陶杜當時儻經目定并東閣賦東籬

次韻程帥二首

平時渭北與江東文會賓筵幸許同
政使遲遲嗟去魯未應咄咄遽書空
抄詩奚翅無瑕璧會意俄乘在下風

搏扶搖風

更喜朝來賓鴈足陽春封寄客塗中

從昔文章蓋代翁言間有物自無同
娟妍徒玩花含露灑落還驚月印空
底許賤工慙擢矢信知妙斲有成風

古今一印元呈露要在神融領會中

次韻言懷

房陵回首望淮東物土人情未易同
比屋蜂懸人帶瘦亂山戟立勢凌空
汗鰓共饜川人食簡朴仍存太古風
破我殘年七百日盡拋詩卷酒盃中

次韻記別程帥穀城旅夢

金翹搖曳玉丁東賓主依然醉笑同
舊事忽隨殘漏斷新愁不逐曉雲空
挑燈旋拂穿帷雪攬轡還禁逆帽風
回首夢魂飛到處壺公窟宅五雲中

梁教病起

側聽長須得好音笑譚已復替呻吟
吟逃知二豎今無地

江湖長翁文集卷之十五
仇想三彭亦就禽定免帶圍憂沈約可須檄手待陳琳
尚須十日安岑寂酒聖詩愁恐未禁

上外朝山

度隴凌坡冒百艱今朝又上外朝山當車很石通人過
交道飛蘿要手攀猿坐沉寥猶嘯詫鴈驚巉絕故飛還
臨風却快塵埃眼全楚山川指顧間

過八疊山

路入于平舒倦眼襄陽佳處亦班班燒香峴好思三峴
八疊山高似萬山喜此經行無雨阻向來遊覽坐天慳

山靈定笑貴野鴛默遣歸求邦域間

馬息山

猿蹊鳥道且攀躋暝靄頑蒼只尺迷狼石忽開防地裂
屯雲不散訝天低眼高欲了三千界夢斷猶驚七百梯
回望故山真可指杜鵑腸斷爲誰啼

寄鄉中親友二首

棋酒遊從歎離羣犯床吟筆漫飛塵潮乎可奈才力老
甫也尚爲南北人安信不隨秋鴈到流年倏復野梅新
南崗北阜憑高地引首吳天幾愴神

坐衙隨分吏分行退食還先藥探囊已爲河魚廢詩酒
疆教籠身聽宮商老猶苟祿寧良計病悟休心是秘方
想見親朋遲歸楫爲翁補漏斷空荒

賀程帥因任四首且言久缺詩筒之意

思綸蜚下漢江濱特許襄民借寇恂千里江山皆動色
列城條教再生春灌瓜夙稔安邊策茹草寧無待哺民
方倚金城親邵父近君寧惜小逡巡

詩律寧惟似變風姓名久矣御屏中逢辰千載合致主
入夢九華仍插空鐵瓮倚聽新號令銅蹄終舞舊兒童
煩斟叶氣成豐歲却造臯夔侍舜瞳

肯優襄峴劣南徐行止平時每裕餘荷紫端宜冠鴛鷺
飛黃猶似顧蟾蜍緬懷夜燭賡清唱况許春郊載後車
從此追陪得如願重分膏馥澤空虛

先生一筆將詩壇皮匱珠璣底坐慳平日漚盟當未慙
于今鴈足每空還傳抄可但聞平水老瘦從知笑飯山
緩帶輕裘祗常日千篇破竹定乘閑

再次韻答程帥高機宜四首

自分迂愚著海濱諸公薦力漫忱恂摧頽晚境空多感

局縮窮山亦再春故里歸耕雖有約中田敬饁遂無人
何由消破愁千斛甓社春吾鄉酒名

名德誰今挺古風人嗟汲直合居中揮毫有物鬼落膽
與世無心雲度空倚聽金鑿拜新渥又煩竹馬走羣童
貝宮風露鼇峯月行矣輝華映兩瞳

高郎筆勢未姑徐千紙珠璣歛唾餘春興漂蕭陵野馬

夜窻清絕冰去聲金蛛諸公交口傳黃絹蜚詔褒賢定赤

車亦使窮山拜嘉惠衰翁擊節正馮虛

劉海翻湖袖手觀揆予才思坐天慳愁攻心折仍無賴

債壓頭低不辦還坐想賡酬聯白璧祗令翹企仰高山
樵疎却喜便衰病羸得蕭齋盡日閑

正仲和帥屬被盜二首

衣囊緘鎬竟胡為祗與偷兒便挈攜髻重得無猜祖珽
璧亡遮莫議張儀館人求屨古未免有力負山人得知
不用經營辦春服舊紉蘭芷扈玄離

向來忠信倚垣墻誨盜如今坐慢藏望意漫言疑聖智
奇文不合吐光芒玉川空屋遭窺瞰子敬青氈果在亡
賴有平生千牘在未妨攜載作歸裝

贈高司理

窮鄉洗眼挹清揚凜若重登月旦堂
驥子鳳雛端不苟
吏能儒業况兼長
簡字首解秋茶密
襍積仍熏古錦香
我亦床頭一經在
自公正欲共平章

再用前韻贈高司理共八首

少年場裏獨鷹揚
他日懸知玉作堂
小試問囚窮兩造
徐看載筆擅三長
得詩遽眩珠璣爛
玩味還疑齒頰香
風月無窮才不盡
坐須喬木擁千章

帥幕羣才賴激揚
衰遲猶喜後升堂
雷封局縮聊償債
袞字褒嘉但寸長
再試真成不龜藥
九言終佩辟邪香
龍門夢斷誰知己
幾誦桑阿賦末章

衰宗如此况他揚
碌碌諸雛欠肯堂
薄宦幽憂殊未醒
故園歸夢可勝長
盃盤頓頓家鷄嫩
翁媪嗚嗚社酒香
猶記比鄰笑行客
夏畦龍斷爲金章

詩語庸非自播揚
流傳朋舊定烘堂
儒書投老空成癖
舞袖平生不解長
黃鳥啄殘丹杏顆
清風搖動綠筠香
山城寂寞便吾嬾
劣勝精神弊句章

俗裏毫絲起抑揚
請君時閉讀書堂
渭清肯混涇流濁

鳧短徒憂鶴脰長千載流傳防造次百年表立要馨香
了知此印君堪付過眼龙凉忽報章

蘇李宗風我舉揚少陵公按子開堂官曹此地文書省
詩社從今日月長山滴曉煙收後翠蓮漂天女戲時香
可孤煮餅分彊韻正使銅花澁印章

腰錢幾夜夢維揚上雨傍風秣此堂人笑鈎刀那用割
自知鞵線豈能長課詩壇畔獨飛動問字人來且碧香
徑欲披衣還舊隱二天寧久溷蘇章

帝旅曾觀武事場如君文勢整堂堂了知一筆無前敵

坐遣諸生喪所長丹桂高攀霄漢迥捷書西下姓名香

貝宮鼇禁應餘地看展平生補袞章

君方從舉子試陳
侔有桂華香之語

故末章
祝之

病起閒步

暝綠園亭小雨晴病翁雙眼爲誰明柳如張緒不勝韻
竹與子猷相對清門下鳥鳥無客到壁棲蛇蚓又詩成
回頭溪友千山阻更向何人話此情

寄師文二首 時悼亡室

世塗豈必盡籠囚自是迂疎拙應酬簿領嬰心寧素志

江浦長翁文集卷之十五
夢魂何日不滄洲揆吾溫飽兒堪託平昔行藏婦與謀
已判來年拂衣去寄言亟辦釣漁舟

萍梗漂浮已老翁歸來差樂未終窮稻田取足隨豐歉
花圃逢春自白紅禪老版頭容客飽臧孫鼎足祗墻東
更聞名酒新傳法詩外棋邊莫放空

次韻什邡馬主簿二首

陶謝前蹤一筆追掀天聲價舊風馳瑞時不數九文羽
換骨疑殮三秀芝蜚電燭巖方左席明珠照乘忽清漪
裏創膏欲凌堅陣可諱含毫不自持

紛紛過眼甚螽斯膽掉驚逢驥駮馳獻替付君溫省樹
朝晡還我故山芝荆江蜀棧聊舒嘯卷耳思齊正採詩
回首定傳天上信囊荷知傍紫皇持

再次韻馬主簿二首

後詩錢
其行

冥搜成癖漫勤斯緬想騷人正坐馳點化今逢萬金劑
神奇蒸出九華芝三吳才雋應焚硯萬里風煙盡入詩
盍與元劉論伯仲未容郊島更矜持

左顧衰翁底取斯轉頭歸馬又西馳賸催阿買抄新藁
大勝齋房紀瑞芝樂歲人家皆有酒高秋天氣總宜詩

江浦長翁文集卷之十五
霜花露菊留迎客預戒西成省控持

再韻二首

飽食頻頻秣鷓斯可堪迅景隙駒馳不逢猶是桐爲琴
當價胡寧菌作芝天籟寂時三弄笛楚山窮處四愁詩
將壇可復宜衰病此柄須君爲主持
歷塊飛黃可得追加鞭十駕浪驅馳不應倚頓懷周朴
敢向天仙話上芝晚傷涪翁觀落筆了知高叟固爲詩
謬爲恭敬吾何取政恐龍泉有倒持

借章宰勸農房山

登臨一擬豁心胷著我松窗竹屋中宛是官曹縛雕虎
不容塵眼到飛鴻綿延天際應平碧孤負林梢抹嫩紅
俛俯去年舒嘯地解衣聊復近熏籠

簷外雲深雨合圍此行不歎始謀非對君便是蘇端過
把酒曾無御叔譏紅濕煙郊思散策寒欺病骨旋添衣
了知未盡山陰興共作衝泥傍險歸

簡章宰二首

蕙蘭洲北觀山頭未暇尋盟訪舊遊自笑春來多病過
靜無人處但詩愁遙知聯轡窮幽勝更想簪花賸獻酬

報答東風應得句奚奴亟肯寄儂不

縹緲雲藏羽客廬不妨尋勝小踟躕夷載酒鶯花處

古錦囊詩簿領餘日和風輕吹欲醉萬山嵐凝對憑虛

譚間定笑衰慵客竹屋高春尚枕書

上巳溪上燕二首

後溪分占羽觴浮雷隱歡聲半棹謳况我閑官似犀首

為渠領客作鰲頭玻瓈影裏粧光膩桃李香中步障留

病骨得晴堪近酒與君同拜醉鄉侯

杜若洲邊卓旆旌佳晨一醉萬金輕春光僅有一分在

天氣可能三日晴解道蘭亭亦陳迹肯吟楚些愴幽情

人生到處皆兒戲笑看爭標鬪兩鯨

試柘枝溪上

是日晴色
眾客喜甚

蕙風花氣雨餘天報答融和玉作舡壯歲自能鸚鵡舞

老狂猶有柘枝顛羣鴻翩度昆昭錦雙鳳翔從玉井蓮

起我少時豪狎興未甘詩客號瞿仙

次韻答許推章宰二首

喬雲非霧靄飛浮滿聽遊人載路謳痛飲君能判濡首

新翻我亦辨纏頭羽觴激灑風微度翠蓋翩僊晚尚留

且倩銀鈎寫陳迹未須詩律壓劉侯
北來青翼導霓旌翩若凌雲鶴馭輕煙柳困眠纔寤曉
露花酣醉正熹晴獻之能賦雖辭罰楚客同醒恐不情
毫興尚堪追少雋漏卮灌酒鱸長鯨

再次韻荅節推二首

透幕穿簾香霧浮行雲低影傍清謳遊人是處歌鼓腹
佳客伴翁吟掉頭令節可孤三日醉歸期猶有一春留
詩壇酒會容先畝莫問將軍老不侯
虧成久不撓心旌老閱人間百事輕却笑平生甘淡薄

每緣行樂問陰晴羽觴錫粥同春事臥醉行歌見俗情
擊鉢更遭強敵困可能赤手控奔鯨

再次韻荅許節推二首

楔事罷覺飲過度強起遊觀山小雨尋止因節推有

贈用韻荅之兼簡知縣

起依筇竹似桴浮改就新詞却自謳囊錦斬關聊袖手
酒兵推戶且扶頭東風已拆紅躑躅碧樹更啼黃栗留
醒醉醉醒殊未沫不應通守羨通侯

步屨巉巖屏騎旌松風茵露為誰輕已無桃李擅春事
忽有鳥鳥啼晚晴羽客不妨同水厄宿醒端解敗詩情

開緘又拜同寮賜錦段中含掉尾鯨

再次韻四首

三公再和復成四詩道歸
休意且謝所賜亦以譚詩

新釀開缸淥蟻浮舊辭仍缺唾壺謳宦塗要處難插手
詩社叢中常引頭倒載肯陪山簡醉反關莫厭孟公留
秋田粗可供佳客不比封君亦素侯

翰墨場中對抗旌黃陳一筆萬鈞輕武安屋瓦秋輦震
湘水波光夜月晴沮洳求魚真自笑渚涯向若倍馳情
吾生恨落任公後不見投綸掣海鯨

尸祝代庖良過矣卽今坐嘯免謝謳陶朱計食魚萬尾

景畧有兒牛十頭甫里過從勞夢寐朝川歸去忌遲留

大昭一弛吾通袖冷看逢蒙中射侯

韻語聯翩到浚旌楚珩非重夜光輕吟成品物回春態
誦處東風放曉晴抖擻錦囊娛我老滌除愁斛見君情
固應詩膽驚無本刺手霜牙摩怒鯨

梁教授次柘枝詩韻再和

洞裏鶯花別有天爲渠蘸甲上金船舞殊貪看塵生鞮
飲興渾忘雪滿顛弄影競垂三昧手倚風疑裏五枝蓮
廣寒再閱霓裳罷笙鶴飛來未是仙

書懷

人間窮達命污隆作意功名欲捕風但見劉班誤車子
何曾鄧禹笑王融官曹得飽餘何事書課乘閑亦雋功
少待蓴鱸付張翰一溪風月放舡蓬

次韻高幾宜送別

棋枰詩課憶同堂轉首暄寒幾蔀章每歎羈離念陳迹
更因衰病感流光亟催江鶴休停棹已信溪禽不亂行
魚澳芋區真好在連宵歸夢爲誰長

士價如君定玉堂陳陳腹笥漢文章卽今綵筆春爭媚
它日青藜夜有光詩力不勞凌汝輩才名况自溢班行
清篇見屬吾何取愧闖辭壇闕寸長

再次韻謝惠詩

仍敘不敏

百鎰贏金數仞堂何如盥手頌佳章奪胎信自非凡劑
獻佛當知便放光斤運向來車合徹影斜還惜鴈分行
衰年離緒誰禁得鏡裏新絲莫計長

小家茨竹卽爲堂暇訪深林索豫章平日牀頭但周易
看人筆落便靈光庠隆賦質嗟多樣良楛論材要當行
莫向黔婁問奇貨長沙舞袖可能長

江清長翁文集 卷之十五
贈黃國器二首

仕于窮山故人黃國器亦奔走湖湘予官蒲相值鄂渚敘舊喜甚約連舟東歸二詩贈之

交情凜凜久彌堅遊舊何人似子賢別去漂零各天末
喜今譚笑復樽前德人政用寬幽獨歸路胡官更後先
彈壓山川須妙語不妨排日爲君編
簿書叢裏久囚拘漚鷺羣邊忽自如白傅已甘多病過
安仁况復悼亡餘歸田且辦克腸米遮眼非無插架書
如子功名方迫逐未應偕我問樵漁

過伏龍

蜀棧荆江志未酬兩京直擬笑譚收僅容孱后存鄴祀
誰遣東吳解魏仇制敵豈應無法正爲謀不合有譙周
伏龍祠上長煙靄憤氣堂堂恐未休

武昌

客子脩程未息肩江山佳處小畱連醉臨庾亮樓前月
夢闖回翁洞裏天形勢盤縈蹲虎鳳輪蹄隱軫度絲絃
登高欲賦還東望楚些無因喚謫仙

歸歟老秋

已辨求田問舍謀登臨那復更悲秋蟹肥與客爭先把

江
湖
長
翁
集
卷
之
十
五
稻熟催兒徹晚收霜後峯巒添峭措波間漚鷺劇風流
寰中勝處天應惜付與癡兒祗暗投

宿何人家

步尋松篠款谿舂忽到孤山處士家十頃蒼鱗漾墻角
一鉤寒玉插簷牙杯行不乏紅絲鱠飯了仍供白露芽
把臂傾舒吾已怯又分離緒上歸槎

次韻張司戶

鴈溪解后張
有詩見惠

橘頌精靈雜遠遊如君信是古詩流吳門肯問鱸魚膾
東武當營燕子樓有底揮毫挾風雨定知貯腹盡陽秋

卽看珥筆鴛鸞右莫漫江城詫狎鷗

他日猶能說宦遊老禁多病厭漂流近臨西蜀窺鮫室

舊傍東溟看蜃樓歸計已嗟霜蟹晚吟聲閑伴候蟲秋

塵冠徑欲畱神武萬頃蒼茫漾白鷗

凌晨復有惠急筆次韻

小駐江干接雋遊渭清涇濁可同流假真笑我陳驚坐

造妙推君趙倚樓姓字已高時輩上功名尤忌鬢毛秋

等閑莫學金華伯碧水如天擬夢鷗

山谷詩夢作白鷗
去江南水如天

仕塗決矣息交遊姑向林泉訪勝流短褐直甘乘下澤

異鄉終勝賦登樓驚心夢境檀槐戰屈指鄉園秫稻秋
雉翳龜焦緣有用未聞金彈中沙鷗

贈四子二首 龔澤卿傳商卿臧子與子儀
追送予至維揚作此贈之

峩峩冰港僅通舟策策霜風透重裘良為予來真好事
小畱君住得銷憂可無譚笑傳觴處賸有煙雲洒筆頭
保社相娛倚公等暮年干祿判悠悠

交遊過眼亦班班四子聲猷豈易攀百里來羞長翁瞋
危言仍解相公顏事乖雅意疇忘歎我已南驅子北還
繼此開樽講德處定知矯首向雲山

次韻雪詩 林郎中宴八客七客皆朝彥
出春雪詩軸因口占次韻

欺梅瀉竹透承塵熒侮東風似妬春匝地閭閻皆種玉
插空樓觀忽鎔銀 坡云鎔銀
百頃湖 窻明尚憶耽書夜身曲誰
憐旅食人親見飛仙下瑤檢諸公居處與天隣

再口占次韻 林舍人伴射得賜銀對客云此錢已
盡未能觴客俟置一姬訖當尋盟

君家朱閣隔囂塵可欠賓筵蘭蕙春橫草定銘鞮汗石
穿楊新賜上方銀幾時醺酒招嘉客不假傾囊得麗人
莫坐風慳仍雨澁祗將詩筆詫無隣

次會左司韻贈俞德瑞 時俞
買妾

班荆同昌軟紅塵一種東風兩樣春
雋飲放君顏似赭幽居憐我鬢如銀
簡編自註供良夜要櫟渠今有
好人把酒若歌歸緩緩不妨折簡喚東隣

次韻答德瑞

詩客曾襟舊絕塵惠然分我一緘春
裁成蜀國添花錦坡謝二孫詩養火雖未伏要是丹砂銀暮雨朝雲知有

夢瓊枝壁月可無人要須共醉彭宣酒
莫諉忘情宋玉

鄰

再次韻贈俞德瑞

前後共三首

珠軒綉轂轆香塵回百西湖羅綺春
便合行歌訪花柳可辭買笑賀金銀
清吟自屬當千客勸醉那無第一人
肯學孤山舊居士平生詩酒祇僧鄰

孰知妙語析微塵細寫都城浩湯春
向我能分趙城壁爲君還缺唾壺銀
平時宦路甘違俗投老詩聲更後人
柄鑿推敲有砭劑不勞千萬得芳隣

襟袂猶緇客路塵攀追強踏帝城春
落身窮僻才全璧敵已遊從半佩銀
枉却近臣開薦口頗嘗內地著癡人
君看捉筆青燈夜得句歡呼聒四鄰

送張文昌帥豫章二首

倚俟新年轉化鈞書方三接徑抽身平時但有凝香夢
盛世那無勇退人滕閣賓筵時可醉金華詩令看重新
盍思遠邇商霖望不但淮鄉有涸鱗

張文潛云補外之樂發於夢寐故后

山贈詩時平身早
達未用夢凝香

談間賓客重宣州到後兒童敬細侯
薤本擊彊休領孽棠陰問俗見風流
湖連市屋疑豐樂江遶城闔似石頭
漚鷺要盟公莫信江湖祇計半年留

行都夜歸

燈火通衢苦未稀望仙橋外獨歸時
風梳御柳娟娟淨月傍觚稜故故遲
隱地輪蹄忘夜旦幾家樓閣不金絲
時平睿澤天無外帝力曾何爾輩知

次韻同年諸公環碧敘同年會

天瓢挹注拱仙官更閱詩仙錦繡端
離合不忘車笠誓畱傳當金晝圖看
玄譚想有蛟龍聽德醉仍均客主歡
俛仰謫仙三百載從知樂事繼今難

東坡云謫仙後三百年無此樂

再次韻

春意溫然待上官松醪更勸語更端
行厨賸遣黃頭載

江湖長集卷之十五
下客何曾白眼看，傑在漢庭方眷注。功將周室更祗歡，孰知未至慈恩舊。老境猶歌行路難。

又次韻

聚首論年不計官，寥寥故事復開端。俯容我輩輸心語，更遣時流洗眼看。庾亮賓筵無盡興，昌黎文飲有餘歡。舍人妙句還新樣，白雪賡酬政自難。

約徐南卿出遊

前夕雨曉枕作

古寺周圍錦樹窠，清湖演漾麴塵波。偷閑已計三飡反，敗興其如一雨何。政復小孤瀕鷺約，未妨來校魯魚訛。

春光尚有三之一，徐辨蘇隄一再過。

時予編憲幕南卿每分勞

西林訪鈺師

師頗能詩

天將宿雨淨春空，却著湖山鼓吹中。載酒言辭藉花伴，運斤來看斲泥工。前身師定寥寥子，拙宦吾今張長公。俛首人間皆長物，未妨分饗北窗風。

約呂徐二友遊淨慈二首

二友簡問行期急筆以告

芒屨明日踏晴沙，肯學渠儂走狹斜。天井巷前休倦足，暗門城外把煎茶。暫同佛屋僧庖飯，徐訪姚黃魏紫花。要及錢唐尚畱鑰，共掄吟袂緩歸家。

一
笑成行不待營可無條約論同盟盤飧取飽真君事
小酒邀歡太俗生撥冗得閑殊自樂吸光飲淥不勝清
卽今冷眼聚蚊夢彼此劣優君試評

再次韻二首

問舟初立柳汀沙雲日昇空淥影斜詩橐耻隨金埒客
蔬腸未厭玉川茶青湖波外方遊女翠幄叢間亦晚花
小待春歸簫鼓靜還容樸被款禪家

塵中誰定免營營鷺渚漚沙且舊盟夙世林逋漫千首
逢人圓澤悟三生扣門喜共僧窻飯斲句猶能鏡樣清

身世已拋春夢外更於文字措譏評

還王編脩詩卷

奕奕長篇問短吟子綦天籟伯牙琴幾人不溺西崑體
老我親聆正始音得寶渾驚探驪頰換金當復售鷄林
還詩正恐非予助晝易忘飢夜易深

元日訪丁端叔安撫二首

時丁出謁徑行
開講古一集

幾夜徒勞夢帝宸行賫已橐更逡巡北山祗合追逋客
南道于今欠主人表表德名當世重堂堂公議有時申
繼今重策冲霄足鶚表胡寧後隱淪

節中應接可辭煩客子回車重慨然比我過秦應一笑
想君出峽富千篇前知此別非久別定復新年勝故年
紅藥紫薇方次第莫占風色問春田

次韻王編脩二首

作詩還王詩王有詩次韻謝之

落手新詩吮復吟自甘壁角掛枯琴祈光已吸金莖露
張野俄聆帝樂音療我平生風雅渴放君高步雋英林
人間夢想珊瑚樹龍護靈湫萬仞深

老誓捐書斷苦吟君苗筆硯戴逵琴因君又試推敲手
揆我終慙繳繹音漫作蠹魚冷朽策倏聽鴨鳩語中林

肉臺盤客曾丁字碧酒留賓聽淺深

江湖長翁文集卷之十五終

江湖長翁文集卷之十六

七言律詩

次韻楊宰食蓮戲作

平時蓮實吾羊棗日飮甘寒不自疑
病恐傷生嚴食事居多節口甚嬰兒
舌融沆瀣詩能說手掬珠璣我屬思
對酒移風勞想像靜看千柄泛前池

再次韻

詩到衰翁耐病時辟渠三舍更何疑
才高王儉幕中雋氣懾孫郎帳下兒
向我論交得無意他時懷舊更長思

蓮莖把玩不爲腹羨殺逢人飲上池

次兒輩戲商卿設醴韻二首

水豢山膚自土宜况邀從事到青齊
賓筵大嚼寧虛口
竈婦深顰想噬臍
爛醉豈無醒酒鱠
明朝重閱不鳴鷄
扶頭更憶松江曉
旋買鱸魚薤擣齏

將命長鬚脚未移
聯翩客馬已來齊
菊花旋採浮雲液
羅幙寬圍護麝臍
醉裏有詩皆虎鳳
區中無物不蟲鷄
主賓等是龍津客
未分金鱗臥瓮齏

再贈澤卿商卿道舊三首

一昨西風散馬蹄
肯如接浙去東齊
人家炊玉香馥鼻
禾壠如雲高過臍
飲雋不無驚渴虎
醉歸同約候鳴鷄
二卿好客家聲在
遮莫茅柴薦韭齏

隆污非是莫端倪
覬覦蹈觴深試汨
齊荆璞笑渠忘衛足
塲金何策贖然臍
悠悠塞上悲亡馬
斷斷尸鄉業養鷄
可是世紛吾屑去
平生結習晚吹齏

過眼紛紛更問爲
幽人生死况能齊
海桑恐礙日車轍
宸極劣爲天磨臍
滅穀君方墮書蠹
研桑我亦笑醢鷄
晚知戰勝輕千乘
悔厭晨鹽與暮齏

九日登神居畱題

行行十刻冒風沙驟喜深堂放馬搗旋報陰雲漏紅日
共追佳節把黃花多煩沽酒畱元亮莫漫移文調孟嘉
未竟笑譚人樹醉簷棲片月欲翻鷓

傅商卿借鵝

吾家水豢慣秋春穀飼欄栖又一新友義何須換鵝帖
鄰墻防有嗾獒人眠沙泛渚期它日問俗充庖戒未仁
酬我質劑當倍稱學書還復慰清真

次韻謝陳守伯固

投老登龍借齒牙可能病驥待揮搗清篇久矣窺脩月
欲論琅然聽粲花小却御屏書姓字行當宣室拜亨嘉
恩章袞袞從天下濃墨疎行砌亂鴉

贈傅商卿

商卿以予憂患冒雨相訪詩謝之

殘年多病更銜哀今日衰懷得好開聞道場功因雨止
徑緣老子犯寒來下簾小熾萁爐火煨芋聊持藥玉杯
翻憶黃公酒壚夜畧無憂患燒靈臺

夜宿商卿家

復用搗字韻

萑蒲無警南塘靜歎歲村區鼓罷槌更喜良宵共譚麈

幾煩親手剪燈花酌無多酒仍餘味嬾不吟詩政自嘉
蝶夢蘧蘧纔一霎鄰鷄啼罷又啼鴉

述懷有作

青奴白牯共幽情鷺隻漚雙自舊盟家視子平如已死
世嗤張翰不求名馬牛見命從浮俗螟蠃觀傍得此生
千載淵明吾易地心期端有不容聲

贈實老

神居禪翁訪予于華村
用舊遊壁間詩韻贈之

幾時風色不飛沙再遣齋魚爲客榼塵裏槐安空夢境
眼中優鉢忽天花玄譚正用蠲憂患白飯胡寧當旨嘉

南去路貧同一笑不憂攫肉有飛鷄

時予不
將行李

次韻答龔澤卿

君如綠耳抹流沙蹶蹶追風不待搗綴葺曾童楚山竹
燕遊行插曲江花久煩鳳詔搜奇逸定復龍光疊寵嘉
叱咤卽今凌筆陣坐令楚幕集歸鷄

晚飯商卿家

用土
山韻

我似長松久臥沙迄今諫鼓夢猶撾倚消愁斛人如玉
欲近書籤眼有花投老無庸尚強聒過君每肯具柔嘉
婪酣得飽行摩腹不省飢號有莫鴉

次韻答楊宰

民情可但絕愁嗟吏畏誰何等受撻教諭久知風偃草
山行聊賦雪飛花牛刀試用終稱屈鳳詔緘春定拜嘉
穩上要津吾拭目角犀冰峙鬢如鷗

次韻楊宰宿北阿

寒事崢嶸念解攜芳樽憶共拆紅泥郵筒空有詩相續
夫子東歸我復西刺刺掀林朔風駛沈沈閭雪晚雲低
巴歌擬報陽春贈未敢從人索品題

次韻楊宰

令君與馬俱倦有詩予亦寂居荒僻因次韻

君方總轡冒塵沙我亦青燈未著花縣宰憂民暇黔突
道人有飯即為家倦温村釀其火暗笑撚吟髭風帽斜
等有霸陵橋上興不妨頻着小詩誇

次韻楊宰

姚法曹可人也官滿去民情之君與予尤惜之然池蛟籠鵠君與姚豈宜久淹者因次宰君詩韻

我方獺髓療蜂腰渠自材華蓋代豪州掾聊容養文豹
玉音催去踏金鼇聯芳君亦花封最雙峙人推玉筍高
看即提衡霄漢上得無交口話啼號

次韻楊宰遊神居

江漢長翁文集卷之十一
峯頂留雲一鷲騫山腰涵碧老蛟蟠鵬翻海十洲近
江漢分流三楚寬曾是乘閑上埃靄小留舒嘯倚高寒
想君緩憩雙鳧鳥不羨冲霄吳綵鸞

次韻楊宰二首

早緣官事坐見癡晚悟騷人賦汨泥耐病久閑金驥裊
扶衰時近玉東西詞場尚友心終在詩力逢君價自低
欲試成風須妙質莫懷章甫問雕題

五斗寧辭小折腰簿書那久困才豪得無狸豹驚雕虎
妙有鉤絲掣巨鼈詩就鼎來宮錦賜閑中眼與楚雲高
橫陳景物無央數付子秋崖萬竅號

次韻楊宰野步

眼邊室邇歎人遐再見驚飈袞雪花歲歉民勞真誘子
泥行草宿又誰家題詩山寺神應助問俗村區日易斜
隨處棠陰誦遺愛他年賸著翠珉誇

再次楊宰遊土山韻

述房陵昔遊

志公巖頂雲縈繞羅漢洞前山鬱盤鯨禹鑄鏡那用許
乾坤包納若爲寬我行六月猶春服誰遣千巖起暮寒
思與山花古仙伯往還遊戲轡青鸞

三朶花仙人也隱于房陵市井郡盡

江浦長翁文集卷之十一
像敬之且像于志公巖東坡有詩畫
圖欲識先生面 試問房陵好事家

次韻張守塗中生日

予生日皆客中
凡四年感漂泊

諸雛稱壽紀桑蓬此會頻年客路逢
撫事祇令傷急景持盃隨分發衰容
心緣羈旅長多遛情爲思親政復鍾
更惜齊眉舊蘭友今春觴詠斷相從

次韻張守妻閔忌

予亦有悼
亡之感

萊妻魂逝不容招敢問何方處寂寥
老去更堪聽薤露病來久不近金蕉
聲搖夜夢蛩相弔垢翳篝衣雨輒潮
細讀君詩重悽惋隱侯膚骨不勝銷

次韻張守晚起

客亭移枕待殘更起趨鄰鷄第二聲
了了每添新悟解營營無復舊心情
興來命酒禁詩瘦老去衰容怯鏡明
况是杏花濃露曉不應蒙被問春晴

正月十六夜大雪次張守諸公韻二首

陽闔陰開意莫窮東君銜巧似良工
紅蓮熄燄人收市丹杏開時雪滾風
韻語真宜詠飛絮短歌當有頌元豐
一番壯觀俄漂忽已落詩人卷軸中

詩款鈴齋到卽通細工時肯博麗工
政聲已獨當時步

江湖長翁文集 卷之十一
人士飲觀前輩風未分清新命開府可能簡遠盡安豐
譚問和氣熏人醉不覺栖栖客路中

次韻王簽判二首

客中誰者伴閑身祇有蒼槐與翠筠回首昔遊驚夢斷
故人重見倍情親簿書簡省官居好月露清圓句語新
千里想思匪天意聚頭一笑此何因

五鬼侵陵兩鬢蒼振窮掃白分無妨酒徒叢裏投名嬾
詩杜中間趁課忙塵暗鳳笙空自歎風驚鴈字不能行
向君草草追強韻政復通人笑楚狂予重見有兄服

贈吳子隆

小飲頰江樓分韻子隆得遲字借其韻贈之

詩到吳侯信崛奇汗顏飛動可容追小揮夢裏五色筆
吟作人間黃絹辭滿耳龍鸞嘯空曠驚人雨雹散雷槌
相如氣壓鄒枚倒未覺樽前運思遲

次韻張德恭主簿二首

一日乘閑燕畫樓連宵飛夢只樓頭掾郎談塵驚飛雹
公子吟毫漲怒流歸去定誰扶下馬重來有約屬馴鷗
可堪風雨妨人樂却向盧家訪莫愁

彭尉侍兒慧甚

漢南獨步有登樓肯爲衰翁吟掉頭價比連城容口裁

江海長翁文集卷之十一
句專八米見風流生涯枯澤鳴飢鶴老去驚波蕩白鷗
當念飯山人似削撩人更遣耐新愁

次韻張守勸農二首

傳聞載酒西郊曉迎候前旌擁老農賢守承宣先勸課
太平風俗見聲容官堤煙樹紆紅纈沙岸風蒲裊紫茸
想憩凝香倒囊錦銀鉤側理疊千重
競遙行軒親色笑教條初不作風霜爲公醉德仍醇酎
惠我溫言亦報章重見桐鄉敬朱邑不須畏疊詫賡桑
受廛定許休吾老已戒諸雛計裹糧

次韻張守泛春亭

小退鈴齊復此亭自公喜色更津津再紆皇眷分憂寄
坐鎮江城與物春長日雍容少公事共誰談笑作詩人
燃髭慣廁分題客元亮柴車已命巾

遊乾明分韻得山字

一從雋軌得追攀日日江臯倒載還貪向諸公論友義
未容老子憶家山酒邊鯨吸仍疇昔筆底羊腸出險艱
莫便樽前話分袂此心不與石俱頑

寄真州詩社諸友

疇昔離亭酒一鍾酒盃不比別愁濃羨君聯璧方保社
付我耦耕親老農握手陳雷便膠漆幾時韓孟果雲龍
自今筆硯還高閣可是詩情病後慵

真州諸公語別

分韻得
杯字

嬌紅爛紫正銜枚不待王家羯鼓催佳客又衝新雨至
羈人未許片帆回自今寒食嗟無幾奈許閑愁撥不開
只擬分攜乘醉去為君領畧十分盃

次韻趙夷仲

趙侯才望屹撐空肯我過從笑語同妙論全勝十年讀

清篇分餉一襟風珣玞可用酬崑璞涎頰何曾夢錦蒙
莫把詩聲陵此老遲君謁帝畫平戎

再次韻

坐聽嚴更一再通卓肩搜句夜蟲同拜嘉傑作開囊錦
似為衰翁料首風素問以頭
風為首風紫誥君宜步西掖蒼顏我
欲隱東蒙韃橐文陳甘三舍百勝將軍正總戎

再次趙侯韻

趙能文為古選詩
三見屬次韻贊歎

理窟疎明面面通如君襟抱古賢同孤標碧落行霜月
勝韻芳林度蕙風妙語寧惟壓元白大封端合啓龜蒙

規恢佇看收功去自勒豐碑紀殫戎

送臧汝舟楚州秋試

羨殺君家有兩方阿戎材幹更昂藏久知筆力能扛鼎
此去賢書定探囊鄰近玉淵嘗借潤眼中珠樹看爭芳
舊陪衆俊工飛動老氣因君尚激昂

重九山陽儀真兩史君送酒

酒會文期興尚濃佳辰一笑坐天窮兩州各遣六從事
九日俄成一病翁詩不受催空急雨帽無緣落任西風
明朝晴徑通行屐却漫枝筇遶菊叢

次梔子花韻

予家有數本亦可愛

居士窻前簷蔔花清香不斷逗窻紗傷和錯詆風霜實
照夜偏怜玉雪葩瓊樹未應矜潔白金神端爲發英華
世間俗眼便紅紫試遣詩翁較等差

次喜雨韻

被旱農家怨伏龍衰翁歲望甚於農人方半菽延朝夕
我亦頻年闕釜鍾洒潤似驚其火冷驟寒不貸布衾重
有來喜雨清新句一笑令人失病容

次韻李壽卿明府憶梅

不分無花空折枝探梅要趁未紛披憶常月地攜筇去
似許風裳倚竹時莊蝶認香憐夢短墨君寫影竟誰欺
故人底事江南北驛使來時僅好詩

再次韻

烟若橫陳耐凍枝清篇細讀更重披即令扶病揩塵硯
痛憶尋芳載酒時政使雪霏來眼底却愁霜鬢被花欺
暗香疎影君能事何處羈人敢語詩

次崔帥韻

崔叢碧置酒話別有詩見贈即席次韻

虎塞風雲自壯懷詩壇尤見不凡才至音忽作鏘金發

急筆寧須擊鉢催屬餞重嘗項上臠拜嘉如嗅隴頭梅
還家定遣比鄰怪珠璧光芒重載回

崔侯燕城西高家亭復次韻

昔人勝踐此興懷復見西園遊上才譚塵生風容蒲聽
酒觴插羽未須催小令纖指鳴飛電却遣紅檀趁落梅
更約歸來醉叢碧將軍端豈與闌回

鄧倅有詩次韻

袖手從公辟不懷天心月脇有餘才將壇賈勇知無敵
冊府新除定見催楚國誰今衙屈宋歐門我亦後蘇梅

錦囊得句無虛日盡卷淮山勝槩回

次韻寄汪教授二首

友賢端許寫中懷千丈孤標十倍才黃絹舊知儒業富
黑頭寧受歲華催筆囊小却司盤詰鼎實終期薦傅梅
指日元侯翥龍袞未容文學久低回

客路何人起病懷論交今得謫仙才每當玉塵玄譚勝
不問銅壺漏箭催魯泮舊常烹瓠葉廣平聊復賦江梅
揆予儻可陪英軌莫向詩筒靳往回

客路寄崔帥

笑語生春尉老懷鄒枚端復顧凡才酒邊徐罷長鯨吸
夢裏還驚去鷁催野渡水渾妨轉拖霜林寒淺未逢梅
神馳縹緲凝香地却惜無人為挽回

再次韻

既歸梅開甚嫵崔帥贈酒更佳且
二丈皆有送行詩次前韻寄之

解橐臨風得好懷祇令公等費詩才行裝併喜鴟夷蒲
春意如煩羯鼓催飯白重供飛雪鱸眼青還對照溪梅
滯畱不惡歸仍好笑殺山陰興盡回

次韻陳學正

道居鄉
之適

區中塵外自由身囊不留錢最入神便約春秋同保社

不妨天地著陳人園翁溪友曾無間野蕪山肴繼薦新
却歎聲名雪堂老莫年嶺海夢峨岷

自審江湖槁項翁浪將張邴並高風就閑耕釣真無說
投合侯王况不工策足不應諸俊後如君寧復老夫同
亟須秉燭歡遊地行遙英雄入彀中

次韻趙帥賞古梅

予後不及賞故云

把酒花前量自寬花同人意愜輕寒盈盈似駕翠虬起
特特爲邀青眼看紙貴共誇詩律細客來旋報粉香殘
若爲白璧青錢費可問東君博此歡

次韻劉常甫見贈二首

重來觸目總宜詩頗費行吟與坐思舊友相過有嘉惠
新篇更喜勝前時連朝把玩驚飛動萬象低摧受控持
塵翳玉笙嗟耳冷何人度曲顫鸞篴

筆陣平時枉計功鈍鎚那辨突鈇鋒霸橋雪裏嗟良苦
飯顆山頭記昔逢斷句自知窮有相從人財博繆爲恭
彭郎小隱劉郎宅抖擻塵襟聽所從

次韻張守勸耕二首

吾徒一笑似關天離合胡寧付偶然夢境萍蓬渺雲水

江浦長翁文集卷之十六
舊遊花柳更風煙交情繾綣今猶昔妙句傳抄喜欲顛
廷尉歸須結驪客爲公飽飯計畱年

三揖清揚歲兩更煩公倒屣費逢迎抽簪仕籍心彌厲
撰屨詞壇計欲成西洛况聞高紙價蘇州從昔擅詩聲
拙衰枉作登龍客領畧玄譚自阿平

史君子主簿
公作詩甚進

題彭傳師無喧境壁

塵外軒窗寓嘯吟勝遊重到更情深湖山覲面渾相識
蜂蝶窺簾似見尋客路每歌歸緩緩歲華亦歎去駸駸
摩抄竹樹論今昔親見栽時已欲林

次韻高賓王見投四首

殘年病眼苦眵昏盡屏甘腴誓綠樽龍樹難逢刮膜手
孟公顧有獨醒孫頗煩十吏供揮掃無奈諸峯役夢魂
友義惟公記衰疾新編肯到雀羅門

病念還家可奈愁客中日月急梭投土花暈壁迎梅雨
海燕將雛送麥秋霑袖正憐珠隕睫關門能復玉爲舟
搯頭閤膝高春臥黃妳青奴共此樓

簷花如霧濕黃昏猶夢君前白獸樽但有紅塵染衣袂
更堪碧草思王孫逃威正坐齊竽謬歛舞難招楚客魂

回首仙曹雲雨上誰云九虎踞天門
知君斲句爲祛愁得句須防有暗投我病床頭但周易
人誰皮裏著陽秋騎驢久袖推門手載酒慵移捉月舟
祇命君詩作三益伴翁聽雨臥徐樓

次韻贈高賓王二首

瓦注緣窮也自昏掃除膠擾近清樽瘦田可穀宜投劾
小子今年亦抱孫慣病已拚疎藥物就閑聊免愴吟魂
徑當雲臥山南北芋火醅缸晝掩門

滯畱無地豁閑愁詩將壇高許客投過我肯論新舊雨
卽君如望菘穠秋幾時霧縠舉蛟室快意湍濤放鷁舟
搯抉腎腸須小息請攜霜竹上危樓

再次韻贈高賓王二首

塵外高人謝宦昏生全天爵躋衢樽逸民佳傳須銀筆
常侍流風見耳孫人洛真能折僖父浮湘更欲弔英魂
男兒有志輕萬里辟世何如金馬門

虞卿與世得窮愁柄鑿方圓豈易投政復有文衡屈宋
須防罪我坐春秋千株已種柴桑菊萬斛空橫野渡舟
可惜玉堂揮翰手獨緣羈旅賦登樓

再次韻自誑簡賓王二首

魚辟清澄鳥愛昏陶翁歸計酒盈樽
山田雨足鳩呼婦籬援春深竹有孫
百首旋編新賦詠三生猶憶舊精魂
小摩他日紅塵眼閑送蜚雲過海門

庾郎曾次枉堆愁馮衍才名迄不投
歸去來今歲華晚未如何矣鬢毛秋
令威心事千年鶴張翰生涯一葉舟
回首月堂金谷夢却憐海屋結飛樓

次韻方秘正

方未相識有詩和韻聊致謝云

靜女無媒未易昏幽人樂地但琴樽
詩聲况自推侯喜

墻仞懸知陋叔孫拜手行申不敏謝
慕賢正黯索居魂
拘拘泄柳非君匹老子來時肯閉門

下窻危坐正凝愁詩客華編肯見投
明月拜嘉千斛賜
清風分送一襟秋路迷端倚司南駕
金換還隨過海舟
誇與湖山須快讀湧金門外倚曾樓

次韻答高賓王

向來騎鳳下天津冠屨因循混世塵
行處西湖作西子
靜中佳茗是佳人秋風暗凝金莖露
香霧潛浮海樹春
喚萼綠華書玉葉人間新筆有通神

江浦長翁文集卷之十一
十七
陂量如君信有容諾金到我豈宜蒙蛾眉自古偕三惑
虎旅何心待九攻雨室聊辭秉燭女石腸莫笑叩舷翁
吾徒嫵媚青編在檠茹冰棲定雋功

次韻林子長一首

使華不袖生春手絳老泥塗亦使年病後隱淪甘甫里
向來魂夢頗祁連受屢已徬鄉三老對客還矜我二天
處士一星君漫記會揚光彩映台躔

次韻楊帥畱客賞雪二首

錫羨端知自杳冥更資和氣與烘成屢觀攬海翻雲勢

旋聽摧簷瀉竹聲狎坐鴛鴦方薦笑窺簷烏鵲已熹晴
從公草賦梁園罷未羨將軍下蔡城

園林花絮忽冥冥水墨工夫憶李成瓊樹挽春爭炫晝
玉龍轉野寂無聲綺羅樽俎諸賓醉簫鼓樓臺九陌晴
不比遊仙向來夢真陪仙伯燕曾城

再次韻二首

雪神不袖噓枯手嗣歲豐登預告成泚筆徑煩書上瑞
載塗况已沸歡聲騎驢有客搜新句扶路何人趁晚晴
一笑與渠分樂事的知瓊露勝宜城

瓊花露
楊酒名

吹花舞絮纒俄頃可待區區刻楮成催動江梅傲春意
喜聽冰筋滴塔聲剡溪載酒人乘興縣圃明空月碾晴
更想捧觴天一笑恩光旋漫鳳凰城

次韻趙帥四首

酒會頻頻詩課忙從公祗爾了星霜虛舟自昔安驚浪
左角從渠赴敵場戀月每忘寒夜未寄梅渾訝驛書香
吟邊更厭秋蛩苦滿聽青鸞嘯女床

北歸客子謾貪忙河欲生冰野覆霜他日鸛鵝常避敵
卽今竿木又逢場思遲正坐相如渴文好知熏武仲香

妙語鼎來吾拜手乳泉更用汲銀床

月姊多情闌綺窻停雲着意護飛霜艷桃穠李寬圍坐
舞雪歌雲各擅場醉倒不堪酬勸數歸來贏得夢魂香
明朝誰省扁舟客但載茶鐺與筆床

舟子喧呼解纜忙馳裘荅颯冷禁霜行分槁項新歧路
心屬毛錐舊戰場談笑慣陪北海酒馥膏擬炷后山香
詩筒儻肯生毛羽飛到幽人夢蝶床

用贈朴翁舊韻二詩送徐南卿南歸

兼簡湖上詩友

飛鵬尺鷃計窮通今古幽人一笑中等是勞生浮大塊

誰能詭遇詫良工書堪引睡聊遮眼酒可祛愁勝作公
此意平章有同社絕憐相望馬牛風

莫將半菽羨千鍾生世誰非囿數中薦福議碑雷已震
浩然還意句徒工我知寒餓憐顏闔人說乘除有誌公
窮鬼趁渠來敗類秋禾一昔什霜風

次韻趙帥登平山堂

東皇未憖養花功遠近嬌紅亂老紅勝賞已容陪雋軌
憑虛仍喜受雄風小斲蜀井寒冰齒旋俯波光碧蘸空
更看詩翁落椽筆彈丸句法許誰同

平章景物我何功猶博賓筵醉頰紅歡甚銳戈思却日
吟餘豪興欲凌風急觴泛灩春浮淥摻鼓喧轟鴈墮空
白雪拜嘉仍袖手汗顏終恐坐雷同

脩月于今第一功後車九萬蜀牋紅詩供寒食鶯花課
袖拂平山楊柳風匝坐蕙蘭歌似剪生香笑語酒如空
胡床不減南樓興今古風流正自同

次韻鄭同年餞行

時癸亥七月

一官白食天水草羣雋追奔風馬牛儉幕胡寧效滯滴
孔裝未擬借膏油交情顧我失一臂才地較君輸幾籌

更引功名挽衰朽天生江水不西流

挽章

隱操人將處士看寧知器業自槃槃襄陽耆舊今餘幾
儒館先生定莫攀元亮歸來猶責子德公老去竟無官
子孫忠孝聯三綬說似前人合厚顏
少微前夕欲無光白首俄傳地下郎一代萊冠郭太宅
百年文物鄭公鄉松煙黯慘空黃壤芝檢紛紛漫紫囊
人過新阡應下馬不論知識涕滂浪

太碩人臧氏挽章二首

德風千祀藹芳馨生享修齡歿更榮早歲衣冠賢德耀
莫年門戶寄升卿迹陳莫嗣登堂拜匏繫空馳執紼情
里巷萬人總布會一應如我淚河傾
帝恩三泐壽親筵更數何人福慶全紙眩鸞迴餘舊誥
地占牛臥忽新阡陰功不倚長年藥補處仍開上品蓮
欲紀衰榮付豐石諸儒當有筆如椽

江湖長翁文集卷之十六終

二月之八日

三

和

湖長翁文集

卷

六

二百卅五



